



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-1-1631-11/18
Datum: 04.07.2018.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 03.07.2018.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU
o izboru najpovoljnijeg ponuđača
I

Najpovoljnija ponuda za robe u predmetu "Nabavka i ugradnja parkomata za regulaciju parking prostora" po cijeni bez PDV-a od 24.585,00KM (slovima:dvadesetčetirihiljadepetstotinaosamdesetpet i 00/100 konvertibilnih maraka) odnosno sa PDV-om u iznosu od 28.764,45 KM (slovima:dvadesetosamhiljadasedamstotinašesdesetčetiri i 45/100 konvertibilnih maraka) je ponuda ponuđača FRACTAL doo Žepče.

II
Ponuda je dostavljena u konkurentskom zahtjevu za dostavu ponuda koji je objavljen na Portalu javnih nabavki dana 06.06.2018.godine pod brojem: 375-7-1-141-3-53/18, kriterij za dodjelu ugovora je najniža cijena.

III
Obavezuje se izabrani ponuđač da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV
Ponuda VISION doo Zenica se odbacuje iz razloga što ponuđač uz ponudu nije dostavio traženu dokumentaciju kako je to propisano tenderskom dokumentacijom, te je ista ocijenjena kao formalno neispravna.

V
Za realizaciju Odluke zadužuju se Služba za finansije, privredu, komunalne i inspeksijske poslove općine Tešanj.

VI
Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII
Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za robe "Nabavka i ugradnja parkomata za regulaciju parking prostora" pokrenut je Odlukom o pokretanju postupka broj:02-49-1-1631-2/18 od 05.06.2018.godine. Odabran je konkurentski zahtjev za dostavu ponuda, koji je objavljen na Portalu javnih nabavki dana 06.06.2018.godine pod brojem: 375-7-1-141-3-53/18, procijenjena vrijednost javne nabavke je 25.641,03KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 2 (dvije) ponude i to: ponuda VISION doo Zenica i ponuda FRACTAL doo Žepče.

Komisija za javne nabavke imenovana rješenjem Općinskog Načelnika broj: 02-49-1-1631-5/18 od 18.06.2018. godine izvršila je dana 26.06.2018.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da je 1 (jedna) ponuda formalno ispravno (sadržajno kompletne i ispravnog sadržaja) i da se kao takve može ocjenjivati u skladu sa zahtjevom za dostavu ponuda te je izvršila rangiranje iste kako slijedi:.

1. FRACTAL doo Žepče

Komisija je kod ocjene ponuda takođe utvredila da ponuda ponuđača VISION doo Zenica sadrži original Izjavu o ispunjenosti uslova iz člana 47. Zakona o javnim nabavkama koja ima formalni nedostatak, naime ista je ovjerena kod notara i popunjena na način da je upisano ime ko daje izjavu kao i mjesto i datum a nije ista potpisana i pečaćena od strane ponuđača kako je predviđeno Uputstvom o pripremi modela tenderske dokumentacije i ponuda (Sl.glasnik BiH broj:90/14 i 20/15). Takođe ponuda VISION doo Zenica ne sadrži "Spisak izvršenih ugovora o nabavci i ugradnji parkomata koji su predmet nabavke u posljednje 3 godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine kao ni Potvrdu o urednom izvršenju ugovora, a koja obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima sve u skladu sa članom 48. stav 2. i 3. Zakonom o javnim nabavkama ("Sl. glasnik BiH" broj: 39/14) . U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede. Naime ponuđač je uz ponudu dostavio Obavještenje o dodjeli ugovora broj:10684-1-1-1-5-9/18 od 21.05.2018.godine iz kojeg je vidljivo da je ponuđač sa JP Parking servis doo Zenica dana 21.05.2018.godine zaključio ugovor o nabavci opreme za nadzor parkinga za vozila, ali nije dostavio dokaz koji je tražen tačkom 2.4. tenderske dokumentacije. Iz Obavještenja o dodjeli ugovora nije moguće vidjeti da je ugovor i uredno izvršen.

Ponuda VISION doo Zenica je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.


Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-49-1-1631-10/18 od 03.07.2018.godine), da se u predmetu javne nabavke roba "Nabavka i ugradnja parkomata za regulaciju parking prostora", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za radove određuje ponuda ponuđača FRACTAL doo Žepče, odnosno kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača za robe predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji izabran je ponuđač FRACTAL doo Žepče sa cijenom od 24.585,00KM (slovima:dvadesetčetirihiljadepetstotinaosamdesetpet i 00/100 konvertibilnih maraka) odnosno sa PDV-om u iznosu od 28.764,45 KM (slovima:dvadesetosamhiljadedamstotinašesdesetčetiri i 45/100 konvertibilnih maraka).

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x2,
2. Služba za finansije, privredu, komunalne i i inspeksijske poslove općine Tešanj
3. Web stranica općine Tešanj, elektronski,
4. Predmet.



OPĆINSKI NAČELNIK
Mr.sci. Suad Huskić